

SARS e katološa letšatši la mafelelo la setlha sa go faela

Tshwane, 23 Nofemere 2021- Ditirelo tša Motšhelo tša Afrika Borwa (SARS) di tloga di thakgadišwe ke dikgorogelo tša diphetolo tšeo e di amogetšego go tšwa go balefela motšhelo bao ba rometšego dipušetšo tša bona tša motšhelo wa letseno la mong ge e sa le go tloga ka la 1 Julae lenyaga.

SARS e rata go leboga balefela motšhelo ba bakeng sa diphetolo tša leano la rena la maikemišetšo a go sepetša setšo sa go obamelo ka boithaopo.

Le ge go le bjale, go fa balefela motšhelo ba bangwe sebaka sa go obamela dinyakwa tša bona tša semolao, SARS e katološa letšatši la mafelelo la setlha sa go faela bakeng sa balefela motšhelo ba batho ka noši bao e sego ba sebakanyana go tloga ka la 23 Nofemere 2021 go fihla ka la 2 Disemere 2021.

SARS e tloga e lemoga mathata a mekgwatšhomo yeo setheo se itemogetšego ona, ga mmogo le ditlamorago tša go abela motlhagase ka tšhielano go balefela motšhelo tšeo di thatafaletšego balefela motšhelo go faela dipušetšo tša bona.

Ka lebaka leo, letšatšikgwedi la go lefiša dikotlo go balefela motšhelo bao ba sa kago ba faela dipušetšo tša bona, le tlo katološwa gomme le tla phethagatšwa ka Janaware 2022.

Re ipiletša go balefela motšhelo go diriša dikanale tša rena tše bonolo tša ditšithale, e lego, eFiling, SARS MobiApp, gammogo le tirelo ya SMS, yeo e nago le nomoro 47277. Ka go romela SMS go nomoro ye, molefela motšhelo a ka dira peeletšo ya kopano go lekala la SARS, go lekola ge eba ba o hloka go faela pušetšo le ditirelo tše dingwe.

Websaete ya SARS gape e kaonafadišwe go dumelela ditirelo tše mmalwa tša ditšithale go balefela motšhelo. Go hwetša tshedimošo enngwe ka ga ditirelo tše, etela www.sars.gov.za

SARS e dula e ikemišeditše go nolofaletša balefela motšhelo go fihlelela boikgafo bja bona bja semolao gomme e holofela gore katološo ye ya letšatši la mafelelo la setlha sa go faela e tla tlhohleletša obamelo e ntši go balefela motšhelo.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za